

LEHOKELA

TEMA YA 1

LWANTSHANG KGETHOLLO DIKOLONG

A



- 1 Qwaketsano tsa ngwahola tsa moriri le botjhaba dikolong di bontsha hore kgethollo e ka ipata kapa ya ba sephiri. Empa dikolo di ka sebedisa melao ya tsamaiso ho etsa setsi sa ho ithutela se tsamaellanang le molaotheo, di ntse di nnetefatsa kgalemo le polokeho ya baithuti, le ho kgothaletsa taolo le tlhompho.
- 2 Ha ho etswa melao ya tsamaiso, ditumellano le ho hloka leeme di tlameha ho latelwa. Empa melao, botjhaba kapa ketsahalo tsa kamehla ke bopaki ba ho tswela pele ha tlwaelo tse mpe tsa kgethollo ya semorabe le ya botjhaba, ho realo Yusuf Sayed, modulasetulo wa dipatlisiso tsa Afrika Borwa tsa thuto, Cape Peninsula University of Technology. Yusuf o batlisisitse mekgwa ya thuto ya ho aha kgotso Afrika Borwa, Pakistan le Rwanda.
- 3 Ha dihlopha tse itseng e le tsona tse etsang diqeto ka melao e kgethollang, e kgesang ba bang le ho ba hlokoletsa ho ena le kutlwisiso, tshebedisanommoho le kananelo, ho bolela hore melao ena e hloka ho lwantshwa. Sena ke ka Gushwell Brooks, motsamaisi wa dipuisano wa Khomishene ya Afrika Borwa ya Ditokelo tsa Botho.
- 4 "Dikolong tsohle tsa mmuso bana ba amohelwa ke mookamedi wa sekolo," ho realo James Ndlebe, molaodi wa tsamaiso ya thuto le ntshetsopele ya puso Lefapheng la Thuto ya Mantlha. "Batswadi bona ba na le tokelo ya ho tseba ka puo, melawana ya sekolo e amanang le tumelo le ya boitshwaro pele ba ngodisa bana ba bona. Dikolo di qobelleha ho fana ka lesedi lena ha batswadi ba le hloka", ho realo James.
- 5 Ho ya ka Molao wa Dikolo wa Afrika Borwa wa 1996, melao ya sekolo ya tataiso e matsohong a lekgotla la tsamaiso ya sekolo (SGB), le tlang ho kgotsofatsa sekolo le ho etsa melawana ka ho buisana le batswadi, matitjhere le baithuti.

- 6 "Ka nepo, setjhabeng se nang le tokoloho le se hlokgang kgethollo, melao ya tataiso e tshwanela ho ananela diphapano tsa sona ka boiteko bohle", ho realo Gushwell.
- 7 "Ho eketsa moo, melawana eo e **tlameha** ho iswa Lefapheng la Thuto ho nnetefatsa hore e tsamaellana le molatheo wa naha," ho hlalosa James.
- 8 Jwaleka ha e le yona e busang, SGB e tshwanela ho emela bohle ba ikarabellang sekolong – batswadi, matitjhere le baithuti. Ka tabelle, lemong tse ding le tse ding tse tharo, ho kgethwa baemedi ba SGB mme batswadi e ka ba bonkgetheng. Ho nnetefatsa hore dikgetho di hloka leeme, ebile ke tse lokolohileng, di tsamaiswa ke Komishene e Ikemetseng ya Dikgetho.
- 9 "Batswadi ba tshwanela hore ba se tshabe ho ntsha maikutlo a bona baemeding bao. Hape ba na le matla a ho heletsisa SGB e sa ba sebeletseng, ka vouto ya ho se ba tshepe", James o a hlalosa.
- 10 Empa ho ya ka Yusuf, le ha taolo ena ya dikolo ya ho se kgethe nku ka pere e shebahala e tshepisa demokerasi, tlwaelo ya setjhaba ya leeme e bolela hore taolo ya dikolo ntle le kgethollo ha se taba ya nnete mme e ka se tshepuwe.
11. Dikolong tsa mehleng tsa di-Model C, tse kang San Souci Girls' High School e Cape Town mmoho le Pretoria Girls' High, batswadi ba teng ke kgokanaphiri ebile ba tshehetsana ho feta batswadi ba baithuti dikolong tsa dibaka tsa mahaeng le tsa maemo a tlase.
- 12 Hape dikolong tseo, ho kena ha batswadi tabeng tsa sekolo ho etswa ke maemo le leruo la bona. Ntho e tlwaelehileng ke hore ho di-SGB tseo, ke batswadi ba nang le bokgoni moruong, bao hangata e leng ba basweu, ba kgona ho nka karolo taolong ya sekolo. Batswadi ba sa ruang (hangata ba batsho), ha ba kgone ho nka karolo hakalo – ho ya kopanong tsa bosiu ke bothata bakeng sa ba hlokgang, le ba dulang makeisheneng ha ba a bolokeha hape ba na le phephetso tse ding ka ho tsamaya le masiu ba ya dikopanong.
- 13 Ebe he di-SGB di tlaa makgowa le barui feela, ditselatshebetso le melao di be di akanywa – e le ka boomo kapa ho se elellwe – di be di sebediswa e le tsela ya ho phela. Batswadi ba sa nkeng karolo haholo ha ba kgone ho bua, mme ba bolellwa ka melao le tsamaiso tsa sekolo tse lebeleletsweng, ho hlalosa Yusuf.
- 14 Boikarabelo ba ho lokisa kgethollo eo e seng ya maikemisetso e tlameha ho ba hohle, empa haholoholo mafapha a thuto, dikantoro tsa maemo a matona le mmuso", ho hatella Yusuf.
- 15 "Dikolo di tshwanela ho fetola tselatshebetso tsa tsona hore di emele ditakatso le ditlhoko tsa setjhaba seo di ahilweng ho sona, le mmuso o tshwanela ho fa batswadi ditlhoko le bokgoni."

[Bona, Pherekong 2017]

B	C
 <p>Disebediswa tsa bohle bakeng sa MORIRI WA TLHAHO</p> <p>[<www.myfroandi.com>]</p>	 <p>Letsatsi la moriri o phethahetseng</p> <p>[<www.jasosantoro.com>]</p>

TEMA YA 2

Kajeno o dutse mona hoba ho na le se mo thabisang se etsahetseng ho yena. Ke seo morwetsana e mong le e mong a se labalabelang. Kajeno o lakatsa e ka mmae a ka be a ntse a phela hoba o tseba kamoo a neng a tla thaba ka teng. Ha a nahana moo a tswang bophelong ba hae, e ka o a lora. Ka nako e nngwe dintho ha di etsahale kamoo re lakatsang kateng.

Ka ho panya ha leihlo thabo ya hae ya fetoha maswabi. Ba ileng ba feta mathateng ba tiisitse ha ba re thabo le maswabi ke diyathoteng mmoho. Di dula di tsamaya mmoho. Mohlomong monga bophelo o hloedile ntho tsena mmoho hore re se itebale, re ne re hopole hore ke yena feela ya nang le matla a ho laola tsohle.

A hopola kgolo ya hae lelapeng moo ho neng ho rena kgotso. Yena o ne a sa tshwane le baholwane ba hae ba ileng ba phela le mma bona le ntata bona. Empa kgotso e neng e rena lapeng labo o ne a e hopola. Ba ne ba sa hafe ka nkatane feela mma bona o ne a ile a sebetsa ka thata hore ba se robale ka e batang. O kgonne ho ba kenya sekolo hore ba tsebe ho itshwarela ka matsoho a bona.

Dikgaitsemi tsa hae di nyetse bobedi ba tsona. Di na le metse, basadi le bana ba tsona. Le jwale di a bela di a hlweba madiba ho phsha a matala. Ntebaleng ka nako e nngwe o ne a ye a ipotse hore lerato lane la lapa labo le felletse kae. Kgaitsemi tsa hae ha di sa mo natsa le ho mo natsa. O ntse a itulela tlung yona yane ya mmae, phapang ke hore o se a e lokisitse mme ke ntlo e ntle.

Basotho ba tiisitse ha ba re lefutso le a fetella. Enwa morwetsana o ne a ithata e le ka nnete, a le matla ebile a le sebete. Ke kahoo re mmonang a tswetse pele bophelong. Kajeno re mmona a hlomohile, pelo e ile mafisa, ekaba lebaka ke lefe?

[Boiqapelo]

TEMA YA 3

CRT[®]
Cell Revitalisation Therapy
Advanced Anti-aging Skincare

Letlalo le shebahala le ntjhafetse bekeng tse nne

Matla a ho lwantsha maswebe

CRT[®] Anti-Wrinkle Serum
40 ml
Standard Price R459 / N\$482
Code: 72011
R359
N\$377
Boloka R100

CRT[®] Age Reform Complex
50 ml
Standard Price R499 / N\$524
Code: 72018
R399
N\$419
Boloka R100

- Contains RestorX™ which has an immediate tightening effect on the skin
- Dermatologically tested

*Dermatologically and clinically tested over 28 days. Product results are achieved with continuous use.

[E nkilwe le ho fetolelwa ho tswa: Avroy Shlain Brochure, February 2017]

TEMA YA 4

A



[<www.pic2fly.com>]

B



Download from
Dreamstime.com
This watermarked comp image is for previewing purposes only.

ID 67337398

Natalyreinch | Dreamstime.com

[<www.dreamstime.com>]